

Cyngor Sir Ynys Môn

Adroddiad Sgriwtini

Pwyllgor:	Pwyllgor Sgriwtini Partneriaeth ac Adfywio
Dyddiad:	17 Mawrth 2026
Pwnc:	Darparu diweddariad ar gyflawni Cronfa Ffyniant Gyffredin y DU ar Ynys Môn (2022-2026)
Cadeirydd Sgriwtini:	Y Cyngorydd Dylan Rees

1. Pwy fydd yr aelod portffolio / swyddog arweiniol a fydd yn cyflwyno'r adroddiad?

Aelod Portffolio	Rôl
Y Cyngorydd Gary Pritchard	Aelod Portffolio Datblygu Economaidd
Swyddog Gwasanaeth (Cefnogi)	Rôl
Tudur H. Jones	Prif Swyddog - Datblygu Economaidd

2. Pam y gofynnir i'r Pwyllgor Sgriwtini ystyried y mater

Darparu diweddariad ar gyflawni Cronfa Ffyniant Gyffredin y DU ar Ynys Môn.

3. Rôl y Pwyllgor Sgriwtini ac Argymhellion

- ☐ Er sicrwydd
- ☐ Er argymhelliad i'r Pwyllgor Gwaith
- ☒ Er gwybodaeth

Argymhelliad/argymhellion:

- Nodi cyflawniad llwyddiannus Cronfa Ffyniant Gyffredin y DU ar Ynys Môn a'r canlyniadau cadarnhaol a gyflawnwyd rhwng 2022 a 2026
- Nodi bod Cronfa Ffyniant Gyffredin y DU ar Ynys Môn wedi'i gweithredu'n unol â chanllawiau Llywodraeth y DU
- Cydnabod rôl barhaus y Cyngor o ran rheoli'r cyllid ar yr Ynys, yn ogystal â chefnogi partneriaid cyflawni lleol

4. Sut mae'r argymhelliad/argymhellion yn cyfrannu at amcanion Cynllun y Cyngor?

Mae Cronfa Ffyniant Gyffredin y DU wedi cael ei datblygu yn unol â'r cyd-destun a'r weledigaeth, amcanion a gwerthoedd sydd wedi'u nodi yng Nghynllun y Cyngor 2023-2028, ac mae'n darparu sail ar gyfer y Cynllun Buddsoddi Rhanbarthol a gyflwynwyd ar gyfer cyflawni'r Gronfa Ffyniant Gyffredin yng Ngogledd Cymru.

5. Themâu sgriwtini allweddol

Themâu allweddol y dylai'r Pwyllgor Sgriwtini ganolbwyntio arnynt:

1. Cydweithio â rhanddeiliaid
2. Amcanion corfforaethol
3. Y Camau Nesaf

6. Pwyntiau allweddol / crynodeb

a) Cefndir

Cafodd y Rhaglen SPF ei hymestyn yn 2025/26, ac fe wnaeth Llywodraeth y DU gadarnhau ychwaneg o arian i Ynys Môn (yn ychwanegol i'r £16.1M a dderbyniwyd ar gyfer 2022-2025), sef:

- Cyfalaf £1,495,296
- Refeniw £3,898,805
- Cyfanswm £5,394,101

Mae'r Rhaglen yn cynnwys pum thema buddsoddi allweddol:

- Cyflogadwyedd
- Iechyd, Diogelwch a Chymunedau Cynhwysol
- Sgiliau
- Cefnogaeth i Fusnesau
- Llefydd Llewyrchus

Gofynnwyd i'r Partneriaid Cyflawni gyflwyno ceisiadau i barhau â'u gweithgareddau am 12 mis arall yn ystod y cyfnod estynedig, gyda'r allbynnau a chanlyniadau fwy neu lai yr un fath at ddibenion adrodd. Yn dilyn hyn cafodd 20 prosiect ei gymeradwyo (12 prosiect unigol gan yr ALI ac 8 prosiect ALI ar y cyd h.y. prosiectau rhanbarthol). Mae Atodiad A yn cynnwys crynodeb o'n partneriaid cyflawni a'r prosiectau a gymeradwywyd.

Roedd pob Partner Cyflawni'n gyfrifol am weithredu a rheoli ei brosiect ei hun, ac roedd tîm SPF y Cyngor (sydd â dau swyddog: Rheolwr Prosiect SPF a Swyddog Grantiau SPF, yn ogystal â chydweithwyr o'r Adran Gyllid) yn darparu cefnogaeth. Roedd y tîm SPF hefyd yn gweithio'n agos â'r Awdurdod Arweiniol Rhanbarthol (Cyngor Gwynedd) a'r Partneriaid Cyflawni er mwyn monitro ac adolygu cynnydd, gwariant a chydymffurfiaeth yn rheolaidd. Roedd trefniadau caeth mewn lle ar gyfer monitro ansawdd y prosiect a'r gyllideb, ynghyd â rheoli risgiau.

b) Llywodraethu

Yr Awdurdod Lleol sydd yn penderfynu'n derfynol ynglŷn â dyrannu cyllid ar Ynys Môn, trwy Fwrdd Rhaglen UK SPF Ynys Môn yn dilyn yr alwad am brosiectau. Mae'r Bwrdd Rhaglen hwn yn cynnwys yr Arweinydd, yr Aelod Portffolio Cyllid, y Prif Weithredwr, y Swyddog Adran 151 a'r Pennaeth Gwasanaeth Rheoleiddio a Datblygu Economaidd.


Rôl y Cyngor yw monitro prosiectau. Mae Tîm SPF y Cyngor yn parhau i weithio'n agos â'r holl bartneriaid cyflawni er mwyn datblygu eu prosiectau a monitro materion a risgiau allweddol. Cynhelir cyfarfodydd pob pedair wythnos gyda phob un o'r 20 prosiect sy'n cael eu cyflawni ar hyn o bryd. Mae'r cyfarfodydd hyn yn gyfle i drafod pob agwedd yn gysylltiedig â chyflawni'r prosiectau a rhoi'r prosiectau mewn cysylltiad â phartneriaid eraill os oes cyfle i gydweithio, osgoi dyblygu a rhannu arfer orau.

Mae Tîm SPF y Cyngor hefyd yn cyfarfod ar wahân gyda chynrychiolwyr Llywodraeth y DU unwaith y mis er mwyn eu diweddarau ar gynnydd, amlygu meysydd pryder a rhannu arfer orau.

c) Trosolwg o'r Rhaglen


Mae'r siart isod yn dangos sut cafodd yr arian a neilltuwyd ei ddosbarthu i'r Meysydd Blaenoriaeth ar gyfer 2022-2025 ar draws y Rhaglen SPF ar Ynys Môn:

Arian SPF a neilltuwyd - dosbarthiad ar gyfer 2022-2025



Mae'r siart yn dangos sut y cafodd yr arian a neilltuwyd ei ddosbarthu ar draws themâu buddsoddi'r Rhaglen SPF ar Ynys Môn ar gyfer 2025-2026 yn unig.

Arian SPF a neilltuwyd - dosbarthiad ar gyfer 2025-2026




Mae tîm SPF y Cyngor yn gweithio'n agos â Phartneriaid Cyflawni ac maent wedi meithrin perthynas weithio gref yn seiliedig ar ymddiriedaeth, bod yn agored a chydweithio er mwyn sicrhau'r canlyniadau gorau posib ar gyfer Ynys Môn. Y flaenoriaeth oedd sicrhau fod yr holl arian a ddyrannwyd i brosiectau'n cael ei ddefnyddio, a bod buddion ystyrlon yn cael eu cyflawni, er budd trigolion a busnesau Ynys Môn. Cynhelir cyfarfodydd monitro misol gyda phob prosiect, ac mae rhaglen benodol sy'n canolbwyntio ar gynnydd, cerrig milltir, gwariant, cysylltiadau cyhoeddus, risgiau, allbynnau a chanlyniadau, diweddariadau cyffredinol ac aliniad â rhaglenni eraill. Mae hawliadau chwarterol yn ffordd ychwanegol o asesu perfformiad.

At ei gilydd, mae blwyddyn olaf y Rhaglen SPF (2025/26) yn perfformio'n dda iawn ac nid oes unrhyw bryderon sylweddol. Erbyn hyn mae'r holl brosiectau wedi cyflwyno eu hawliadau ar gyfer Chwarter 3. Hyd yma (hyd at fis Rhagfyr 2025):

- Mae 93% o'r allbynnau arfaethedig wedi cael eu cyflawni
- Mae 44% o'r canlyniadau wedi cael eu cyflawni
- Mae cyfanswm y gwariant yn £2,544,398, sy'n cynrychioli 47.17% o ddyraniad SPF Ynys Môn.

Mae'r uchod yn unol â'r proffiliau cyflawni a gwariant oherwydd bod y grant yn cael ei dalu'n barhaus ac amseriad yr hawliadau cyfalaf, sydd fel arfer yn cael eu cyflwyno yn hwyrach yng nghylch y Rhaglen.




£5,374,979.87

Total Grant Awarded



£2,544,397.67

Total Claimed



£2,830,582.20

Balance Remaining

Ar draws rhychwant lawn y Rhaglen SPF ar Ynys Môn (2022-2026), erbyn y bydd yr hawliadau terfynol wedi cael eu cyflwyno a'u prosesu, rhagwelir y bydd y prosiectau wedi cyflawni buddion sylweddol i drigolion a chymunedau Ynys Môn, yn cynnwys yr isod (ond nid yw'r rhestr hon yn cynnwys popeth o bell ffordd):

- Darparu cefnogaeth ariannol i 843 o fusnesau, mentrau a sefydliadau
- Helpu i greu, neu ddiogelu, 218 o swyddi ar yr Ynys
- Helpu 539 o bobl i ddod o hyd i waith
- Creu neu wella 240 o fwynderau / cyfleusterau.

Mae Atodiad B yn darparu manylion pellach am gyflawniadau'r Rhaglen. Sylwch mai ffigyrau hyd at 31 Rhagfyr 225 yw'r rhain (pan gafodd hawliadau'r prosiect eu cyflwyno ddiwethaf). Mae nifer o allbynnau'n parhau i gael eu cyflawni hyd at ddiwedd y prosiectau.

Tu hwnt i'r llwyddiannau a amlygwyd uchod, un canlyniad gwerthfawr yn sgil cyflawni'r Rhaglen SPF ar Ynys Môn yw'r ffocws cryf ar gynhwysiant a gweithio mewn partneriaeth. Mae'r gwaith wedi dod â lleisiau busnesau, y trydydd sector a'r sector cyhoeddus ynghyd o'r cyfnod cynllunio cychwynnol hyd at gyflawni prosiectau'r Rhaglen. Mae'r cyswllt eang hwn, ynghyd â gallu'r Tîm SPF lleol i ddod â sefydliadau cyflawni at ei gilydd, rhannu gwybodaeth ac annog cydweithio, wedi rhoi dilysrwydd a pherthnasedd i'r Rhaglen. Mae wedi sicrhau bod gweithgareddau'n cyd-fynd â blaenoriaethau lleol a bod y buddion yn cyrraedd pob cymuned ar yr Ynys.

d) Ymestyn y Rhaglen gyfredol a'r Broses Gau

Ar 17 Rhagfyr 2025, cyhoeddodd Llywodraeth y DU y byddai'r Rhaglen SPF yn cael ei hymestyn hyd at 30 Medi 2026, fel bod mwy o amser i gyflawni'r gwaith gyda'r grant a ddyrannwyd. Nid oes rhagor o gyllid wedi cael ei ddyrannu ar gyfer gweithgareddau prosiect na gweinyddu'r SPF. Mae'r Tîm SPF ynghanol trafodaethau gyda'r rheolwyr prosiect i weld pwy fydd yn gwneud cais i ymestyn dyddiad dod i ben eu prosiect ar ôl 31 Mawrth 2026. Felly, ni fydd prosiectau SPF Ynys Môn i gyd yn cael eu cau ar yr un pryd fel rhan o'r broses cau prosiectau:

O ran arfarnu prosiectau, dyrannwyd arian i bob prosiect er mwyn cynnal a chyflwyno arfarniad annibynnol cyn cyflwyno'r hawliad terfynol. Mae'r Tîm SPF yn gweithio gyda'r prosiectau i sicrhau fod yr holl gerrig milltir ac ymrwymïadau arfarnu'n cael eu cyflawni.

e) Arfarnu'r Rhaglen

Mae'r Tîm Rhanbarthol wedi cynnal arfarniad cyffyrddiad ysgafn o gyflawniad y Rhaglen SPF yng Ngogledd Cymru (2022-2025) - a fydd yn cael ei adolygu er mwyn arfarnu'r flwyddyn olaf.

Mae Llywodraeth y DU wedi comisiynu arfarniad cenedlaethol o'r Rhaglen yn ogystal, ac mae'r Cyngor wedi cyflwyno gwybodaeth.

Ar ddiwedd y Rhaglen SPF ym mis Medi 2026, mae Tîm SPF Ynys Môn yn bwriadu cynnal arfarniad lefel uchel i nodi effaith a chyrhaeddiad y cyllid SPF ledled Ynys Môn. Y nod yw rhoi darlun manwl gywir o'r gwahaniaeth cadarnhaol y mae'r buddsoddiad wedi'i gael ar gymunedau, lleoedd, busnesau ac unigolion ledled yr Ynys. Bydd hyn yn cael ei rannu â phob Aelod Etholedig.

f) Risgiau

Roedd y risgiau y daethpwyd ar eu traws wrth gyflawni'r Rhaglen SPF ar Ynys Môn yn cynnwys:

- I. Cyflawni'r rhaglen o fewn yr amserlen a bennwyd gan Lywodraeth y DU.
- II. Y risg i enw da'r Cyngor fel y 'corff arweiniol' a oedd yn gyfrifol am ddewis y prosiectau llwyddiannus a rheoli'r dyraniad UK SPF cyffredinol ar gyfer Ynys Môn.
- III. Bod angen mwy o arian ar brosiectau nag oedd ar gael o fewn y Rhaglen oherwydd effaith chwyddiant a chynnydd mewn costau.
- IV. Cyflawni yn ddibynnol yn bennaf ar berfformiad Partneriaid Cyflawni allanol.
- V. Yr angen i adolygu'n barhaus ac addasu i newidiadau yn amgylchiadau'r Partneriaid Cyflawni.

Roedd pob prosiect yn gyfrifol am ddatblygu a chynnal ei Gofrestr Risg ei hun a oedd yn cael ei diweddarau pob chwarter.

g) Camau Nesaf / Cyllid ar gyfer y Dyfodol

Mae goblygiadau staffio yn gysylltiedig â chau unrhyw Raglen gyllido. Yn y Cyngor, mae 11 swydd gyfwerth ag amser llawn yn cael ei hariannu drwy UK SPF yn uniongyrchol. Mae rhai o'r rolau hyn yn seondidiadau mewnol, ac felly bydd hyn yn effeithio ar staff ychwanegol. Hefyd, mae 39 swydd y tu allan i'r Cyngor mewn perygl yn sgil cau prosiectau sy'n cael eu hariannu drwy'r SPF ar Ynys Môn.

Ar hyn o bryd y disgwyliad yw y bydd cronfa newydd yn cael ei sefydlu wedi i'r gronfa SPF ddod i ben. Serch hynny, er y bydd y Gronfa Twf Lleol (LGF) yn debyg, mae'r gronfa a'i hegwyddorion craidd yn wahanol iawn i'r SPF. Mae Llywodraeth y DU wedi nodi y bydd yr SPF yn dal i gael ei gweinyddu yn ystod 2026/2027 (yn debyg i flwyddyn drosiannol 2025/2026) ond bydd y dyraniad tua £4.5M yn llai a bydd mwyafrif y cyllid yn gyllid cyfalaf.

Wedi 2027, bydd yr LGF, fel ac y mae pethau ar hyn o bryd, yn cael ei chyflawni gan y Cydbwyllgorau Corfforedig Rhanbarthol ac felly ni fydd yn cael ei chyflawni'n fewnol gan dimau SPF. Rydym yn aros am ganllawiau pellach gan y Llywodraeth yn dilyn yr ymgynghoriad a gynhaliwyd cyn y Nadolig. Fe wnaeth y Cyngor (ac ALLau eraill) ymateb yn gadarn i'r ymgynghoriad hwnnw.

7. Asesiadau effaith

7.1. Effeithiau posibl ar y grwpiau a warchodir o dan Ddeddf Cydraddoldeb 2010

Dim - bydd ceisiadau gan, neu ar gyfer, grwpiau gwarchodedig o dan Ddeddf Cydraddoldeb 2010 yn cael eu trin union yr un fath, a gallai'r grwpiau hynny gael eu targedu i dderbyn cyllid.

7.2. Effeithiau posibl ar y rhai hynny sy'n profi anfantais economaidd-gymdeithasol yn eu bywydau (penderfyniadau strategol)

Cadarnhaol - mae'n bosib y gallai'r cyllid hwn gael ei dargedu at y rhai hynny sy'n profi anfantais economaidd-gymdeithasol.

7.3. Effeithiau posibl ar gyfleoedd i ddefnyddio'r Gymraeg a pheidio trin y Gymraeg yn llai ffafriol na'r Saesneg

Cadarnhaol - trwy greu cyfleoedd cyflogaeth yn yr ardal y gobaith yw y bydd mwy o siaradwyr Cymraeg yn elwa ac yn aros yn yr ardal.
Cyfleoedd i ddysgu Cymraeg / cynyddu hyder trwy rai o'r Prosiectau SPF.
Codi proffil yr iaith Gymraeg

7.4. Effaith bosib ar darged Carbon Sero Net y Cyngor

Cadarnhaol - fel rhan o'r broses adrodd a monitro mae'n rhaid i bartneriaid cyflawni ddarparu manylion ynglŷn ag unrhyw weithgareddau i gefnogi Sero Net.

8. Goblygiadau Ariannol

Niwtral - nid oes unrhyw oblygiadau ariannol i'r Cyngor Sir gan fod costau staff wedi cael eu talu a bydd y cyllid grant gan Lywodraeth y DU yn cwrdd â'r costau hynny.

9. Atodiadau

Atodiad A - Crynodeb o Brosiectau SPF Ynys Môn
Atodiad B - Crynodeb o Allbynnau Rhaglen UK SPF Ynys Môn (2022-2026)

10. Awdur yr Adroddiad a phapurau cefndir

[Cronfa Ffyniant Gyffredin.pdf](#)

Atodiad A - Crynodeb o Brosiectau SPF Ynys Môn

Blaenoriaeth Buddsoddi: Cymuned a Lle

Enw'r Prosiect	Sefydliad Cyflawni
Gwella gwytnwch ariannol a llesiant trigolion Ynys Môn	CSYM
Nod y prosiect hwn, ar y cyd â Chyngor Ar Bopeth Ynys Môn, yw gwella gwytnwch ariannol teuluoedd ar Ynys Môn trwy ddarparu cefnogaeth un i un mewn lleoliadau cymunedol. Trwy ganolbwyntio ar ymyrraeth gynnar a chymorth parhaus, mae'n ceisio mynd i'r afael â chaledi presennol a gwella sefydlogrwydd ariannol tymor hir ar gyfer y rhai hynny sy'n wynebu tlodi ac amddifadedd.	
Balchder Bro	Menter Môn
Bydd y prosiect yn darparu gweithgareddau a gwelliannau ledled yr Ynys, gan alinio â blaenoriaethau cymunedol a strategol. Ei nodau allweddol yw ysgogi balchder lleol, gwella llesiant a grymuso cymunedau. Bydd yn gwella hunaniaeth leol, cefnogi digwyddiadau celfyddydol ac amgylcheddol, cryfhau hybiau cymunedol, a hyrwyddo cynaliadwyedd trwy gyfrwng mentrau sero net ac ymdrechion cadwraeth.	
Cysylltu Pobl, Natur a Lle	Small Woods
Bydd y prosiect hwn yn gwella sgiliau, gwytnwch a llesiant y rhai hynny sy'n wynebu rhwystrau o ran cyflogaeth trwy ddatblygu safleoedd awyr agored hygyrch ac ehangu gweithgareddau dysgu ar Ynys Môn. Bydd yn cynnig rhaglenni, hyfforddiant a chyfleoedd gwirfoddoli seiliedig ar natur, wrth hyrwyddo gyrfaedd gwyrdd, adfer coetiroedd a gwella hygyrchedd.	
Rhaglen Cychfan Gwyrdd	CSYM
Bydd y prosiect yn cefnogi nodau'n gysylltiedig â'r amgylchedd a'r economi ymwelwyr, gan alinio â'r Cynllun Rheoli AHNE a'r Cynllun Rheoli Cychfan. Mae'n canolbwyntio ar wella tirweddau, mynd i'r afael â'r argyfwng natur, hyrwyddo llesiant, cefnogi cymunedau bywiog a rheoli effeithiau newid hinsawdd.	
Creu Ynys Actif	CSYM
Mae tair elfen allweddol i'r prosiect hwn: grantiau ar gyfer clybiau chwaraeon lleol, mentrau Môn Actif i gefnogi gofal dementia, diogelwch dŵr, ac iechyd ieuencid, a buddsoddiad cyfalaf mewn canolfannau hamdden.	
Prosiect Pontio Cymunedau Môn	CSYM
Nod y prosiect hwn, ar y cyd â Medrwn Môn, yw creu ynys wydn trwy rymuso cymunedau i ddylunio a darparu atebion yn seiliedig ar anghenion lleol. Mae mentrau allweddol yn cynnwys datblygu a moderneiddio hybiau cymunedol, creu lleoedd diogel newydd, cynnal astudiaeth dichonolrwydd ar gyfer mannau chwarae a mannau gwyrdd, a darparu hyfforddiant i gryfhau capasiti grwpiau cymunedol.	
Lle Da	CSYM
Nod Rhaglen Cynllunio Lle Ynys Môn ar gyfer canol trefi a phentrefi yw gwella mannau trefol, cefnogi cynghorau tref a gwella cyfleusterau lleol. Mae gweithredoedd allweddol yn cynnwys datblygu Cynlluniau Cynllunio Lle, ail-feddiannu eiddo gwag, gwella blaenau siopau a hyrwyddo digwyddiadau a gwneud gwelliannau gweledol.	
Actif, Iach a Hapus Gogledd Cymru	Gogledd Cymru Actif
Nod y prosiect aml-awdurdod hwn sy'n cwmpasu Ynys Môn, Gwynedd, Sir Ddinbych a Sir y Fflint yw cefnogi gweithgarwch corfforol rheolaidd trwy ddatblygu capasiti, sgiliau, gwytnwch a hyder mewn	

cymunedau. Wedi'i arwain gan gymunedau, mae'n canolbwyntio ar eu grymuso er mwyn creu atebion cynaliadwy ar gyfer gweithgarwch dyddiol.	
Cyfleoedd Gweledigaeth Dwf Gogledd Cymru	Uchelgais Gogledd Cymru
Nod y prosiect aml-awdurdod hwn ledled Gogledd Cymru yw gwneud y mwyaf o fuddion o fuddsoddiadau yn gysylltiedig â Chynllun Twf Gogledd Cymru. Mae'n canolbwyntio ar bum ffrwd gwaith allweddol - cydweithio rhanbarthol, sgiliau, digidol, ynni a sero net, a gwerth cymdeithasol - darparu gweithgareddau er mwyn sicrhau fod cymunedau'n elwa o'r mentrau hyn.	
Caru Cymru	Cadwch Gymru'n Daclus
Mae'r prosiect aml-awdurdod hwn yn Ynys Môn, Conwy, Sir y Fflint a Wrecsam yn canolbwyntio ar ehangu ymdrechion i gasglu sbwriel a chefnogi mentrau lleol i leihau sbwriel. Mae gweithgareddau'n cynnwys tyfu rhwydweithiau gwirfoddolwyr, hyrwyddo parthau di-sbwriel, codi ymwybyddiaeth, cefnogi strategaethau awdurdodau lleol a threfnu digwyddiadau, megis caffis trwsio a digwyddiadau ailgylchu dros dro, er mwyn mynd i'r afael â gwastraff a thipio anghyfreithlon.	

Blaenoriaeth Buddsoddi: Cefnogi Busnesau Lleol

Enw'r Prosiect	Sefydliad Cyflawni
Cefnogi Busnesau Môn	Môn CF
Mae'r prosiect hwn yn cynnig mentora un i un, cynllunio busnes, cymorth gyda llif arian, cefnogaeth gyda cheisiadau UTR (Cyfeirnod Trethdalwr Unigryw), a grantiau bychan ar gyfer busnesau newydd a phresennol. Mae gwasanaethau'n cynnwys cymorth gyda chynlluniau busnes, ceisiadau grant, hyfforddiant ar hunangyflogaeth, gwella presenoldeb ar-lein a chyfeirio at adnoddau eraill.	
Tanio Arloesedd	MSParc
Bydd Tanio Arloesedd yn creu cyflogaeth lefel uchel, cefnogi twf busnesau, meithrin busnesau newydd ac uwchsgilio pobl leol yn y sectorau digidol ac ynni ledled Ynys Môn. Bydd hefyd yn helpu plant y mae perygl iddynt ddod yn NEET (ddim mewn addysg, cyflogaeth na hyfforddiant) trwy addysgu sgiliau bywyd a hyrwyddo llwybrau busnes, yn ogystal â chryfhau gwytnwch personol ac economaidd.	
Cymorth Arbenigol ar gyfer Mentrau Cymdeithasol yng Ngogledd Cymru	Cwmpas
Mae'r prosiect aml-awdurdod hwn yn Ynys Môn a Gwynedd yn darparu gwasanaeth ymgynghori arbenigol a chefnogaeth datblygu marchnadoedd er mwyn gwella Busnes Cymdeithasol Cymru. Mae'n cynnig gwasanaeth ymgynghori wedi ei deilwra mewn meysydd megis adnoddau dynol, treth a chyllid, ynghyd â rhwydweithio, hyfforddiant a digwyddiadau er mwyn helpu'r sector i dyfu a chael mynediad at gyfleoedd cyllido.	
Hwb Menter	Menter Môn
Bydd y prosiect aml-awdurdod hwn yn Ynys Môn a Gwynedd yn cynnal a datblygu Hwb Menter i gefnogi entrepreneuriaid trwy gyfrwng gwybodaeth, cyngor, cyfleoedd rhwydweithio a darparu gofod ar gyfer eu busnesau newydd. Bydd hefyd yn hyrwyddo defnyddio gweithgareddau SMART mewn trefi lleol trwy'r fenter SMART Gwynedd a Môn.	
Cynllun Talebau Sgiliau ac Arloesi	Prifysgol Bangor
Mae'r cynllun aml-awdurdod hwn yn Ynys Môn, Gwynedd a Sir y Fflint yn cynnig y Cynllun Talebau Sgiliau ac Arloesi i gefnogi busnesau bach a chanolig ac entrepreneuriaid sydd yn raddedigion. Gellir defnyddio'r talebau i gael mynediad at arbenigedd a chyfleusterau Prifysgol Bangor, a hyfforddiant yn gysylltiedig ag ymchwil a datblygu, arloesi a datblygu sgiliau.	

Blaenoriaeth Buddsoddi: Pobl a Sgiliau

Enw'r Prosiect	Sefydliad Cyflawni
Pobl Ifanc Môn - Llwyddo Gyda'n Gilydd	CSYM
Nod y prosiect hwn yw cefnogi pobl ifanc ar Ynys Môn trwy wella sgiliau, llesiant a lleihau'r risg o ddod yn NEET. Bydd yn darparu cwriclewm amgen gyda chefnogaeth lles emosiynol, gweithgareddau awyr agored, a chymwysterau, yn ogystal â chyfleoedd profiad gwaith estynedig trwy bartneriaethau gyda chyflogwr lleol.	
Lle am Byth	CSYM
Nod y prosiect hwn yw adnewyddu cyfleusterau storio yn Llyfrgell Llangefni a chreu gofod cymunedol croesawgar ar gyfer y llyfrgell a sefydliadau lleol. Bydd yn cynnig digwyddiadau a gweithgareddau amrywiol, gan gynnwys ymweliadau gan awduron, gweithdai creadigol, a chymorth digidol er mwyn cynorthwyo preswylwyr i wella eu sgiliau TG.	
Camau Cefnogol	GLLM
Mae Camau Cefnogol yn gynllun aml-awdurdod sy'n cynnig mentora wedi ei deilwra i bobl ifanc rhwng 16 a 25 oed sy'n trosglwyddo i addysg bellach, ynghyd â chefnogaeth gynhwysfawr ym maes llesiant ac iechyd meddwl, er mwyn cynorthwyo i bontio o goleg i waith.	
Sgiliau Cyflogwyr Gogledd Cymru	GLLM
Bydd y prosiect aml-awdurdod hwn yn helpu cyflogwyr i nodi anghenion hyfforddi a bylchau yn sgiliau eu gweithlu, gan gynnig sesiynau grŵp ac unigol er mwyn cynorthwyo i ddatblygu sgiliau gweithwyr a thyfu busnesau.	
Môn Ymlaen	
Gwasanaethau Cymorth Cyflogaeth Dwys i leihau cyfraddau diweithdra ac anweithgarwch ledled Ynys Môn, a fydd yn ei dro yn cynorthwyo busnesau lleol i lenwi swyddi gwag ac uwchsgilio staff. Uwchsgilio cyfranogwyr gyda rhaglen ddarparu wedi'i deilwra o hyfforddiant a chymwysterau tra hefyd yn cynnig lleoliad gwaith â thâl i gyfranogwyr fel carreg gamu i mewn i gyflogaeth.	

**Atodiad B - Crynodeb o Allbynnau ar gyfer Rhaglen UKSPF Ynys Môn 2022-2026
(mae'r ffigyrau'n gywir hyd at hawliadau'r prosiect ar 31 Rhagfyr 2025)**

Blaenoriaeth Buddsoddi: Cymuned a Lle		
Allbwn	Rhagolwg	Gwirioneddol
Maint y gofod gwyrdd neu glas sydd wedi'i greu neu ei wella (m ²)	1,701	7,446
Maint y tir sydd wedi cael ei wneud yn hygyrch i bobl sy'n defnyddio cadair olwyn / heb stepiau (m ²)	50	45
Maint y parth cyhoeddus sydd wedi cael ei greu neu ei wella (m ²)	550	511
Nifer yr amwynderau/cyfleusterau sydd wedi eu creu neu eu gwella (nifer amwynderau neu gyfleusterau)	99	210
Nifer yr adeiladau masnachol sydd wedi eu cwblhau neu eu gwella (nifer adeiladau)	76	68
Nifer y digwyddiadau / rhaglenni cyfranogol	845	1,513
Nifer yr astudiaethau dichonolrwydd a ddatblygwyd o ganlyniad i gymorth	54	48
Nifer y teuluoedd sy'n derbyn cymorth	256	278
Nifer y teuluoedd a dderbyniodd gymorth i fanteisio ar fesurau effeithiolrwydd ynni	140	135
Nifer y digwyddiadau neu weithgareddau lleol a gefnogwyd	1,152	1,315
Nifer y gwelliannau cymunedol a gwblhawyd	698	395
Nifer o lwybrau beicio neu lwybrau troed sydd wedi eu creu o'r newydd neu eu gwella	53	8
Nifer y sefydliadau sy'n derbyn cymorth ariannol heblaw am grantiau (nifer y sefydliadau)	30	50
Nifer y sefydliadau sy'n derbyn grantiau	121	210
Nifer y sefydliadau sy'n derbyn cymorth nad yw'n gymorth ariannol	186	166
Nifer o bobl sy'n mynychu sesiynau hyfforddiant	78	71
Nifer o bobl y daethpwyd i gysylltiad â nhw	21,545	21,481
Nifer yr eiddo a adsefydlwyd	3	3
Nifer yr asedau Twristiaeth, Diwylliant neu Dreftadaeth sydd wedi cael eu creu neu eu gwella	47	70
Nifer o goed a blannwyd	5,250	5,250
Nifer o gyfleoedd gwirfoddoli a gefnogwyd (nifer o gyfleoedd)	2,679	2,332

Blaenoriaeth Buddsoddi: Cefnogi Busnesau Lleol		
Allbwn	Rhagolwg	Gwirioneddol
Cyfanswm yr isadeiledd ynni carbon isel neu garbon sero a gwblhawyd (m ²)	5,006	64,319
Nifer o angylion buddsoddi yr ymgysylltwyd â nhw	42	45
Nifer o gynlluniau datgarboneiddio a ddatblygwyd o ganlyniad i gefnogaeth	39	32
Nifer o fentrau sy'n derbyn buddsoddiad gan angel fuddsoddi	9	9
Nifer o fentrau sy'n derbyn cefnogaeth ariannol heblaw grantiau	61	57
Nifer o fentrau sy'n derbyn grantiau	516	500
Nifer o fentrau sy'n derbyn cefnogaeth ariannol heblaw grantiau	955	918

Nifer y digwyddiadau / rhaglenni cyfranogol	51	75
Nifer yr isadeiledd ynni carbon isel neu garbon sero a osodwyd (nifer unedau)	23	23
Nifer o bobl sy'n mynychu sesiynau hyfforddiant	150	197
Nifer o bobl y daethpwyd i gysylltiad â nhw	100	100
Nifer y darpar entrepreneuriaid a dderbyniodd gymorth er mwyn bod yn barod i fentro	421	414
Nifer yr asedau Twristiaeth, Diwylliant neu Dreftadaeth sydd wedi cael eu creu neu eu gwella	16	32

Blaenoriaeth Buddsoddi: Pobl a Sgiliau, gan gynnwys Lluosi		
Allbwn	Rhagolwg	Gwirioneddol
Nifer o bobl economaidd anweithgar sy'n ymgysylltu â gwasanaethau cefnogi gan weithiwr allweddol	615	778
Nifer o bobl sy'n cael mynediad at gefnogaeth iechyd meddwl neu iechyd corfforol, gan arwain at gyflogaeth	76	46
Nifer o bobl sy'n mynychu sesiynau hyfforddiant	180	204
Nifer o bobl mewn gwaith sydd yn ymgysylltu â'r system sgiliau	347	340
Nifer o bobl sy'n derbyn cymorth i ennill trwydded alwedigaethol	82	82
Nifer o bobl sy'n derbyn cymorth i gael gwaith	539	432
Nifer o bobl sy'n ailhyfforddi	236	218
Nifer o bobl sy'n cael eu cynorthwyo i gofrestru ar gwrs trwy dderbyn cymorth ariannol	440	387
Nifer o bobl sy'n derbyn cymorth i wella sgiliau sylfaenol	856	1,016
Nifer o bobl sy'n derbyn cymorth i chwilio am waith	648	742
Nifer o bobl sy'n derbyn cymorth i ddysgu sgiliau bywyd	1,759	1,377
Nifer o bobl sy'n derbyn cymorth i ennill cymhwyster	839	808
Nifer o bobl sy'n derbyn cymorth i gyfranogi mewn addysg	687	580
Nifer o bobl sy'n cymryd rhan mewn rhaglenni profiad gwaith	116	98
Nifer o bobl sydd wedi cael eu hallgau'n gymdeithasol sy'n derbyn cefnogaeth	211	260
Nifer o gyfleoedd gwirfoddoli a gefnogwyd (nifer o gyfleoedd)	66	66
Nifer o gyrsiau rhifedd oedolion sy'n cael eu cynnal yn yr ardal trwy'r rhaglen Lluosi (Nifer o gyrsiau)	90	123
Nifer o wahanol gohortau sy'n cymryd rhan mewn cyrsiau rhifedd (Nifer o gohortau)	45	55
Nifer o bobl sy'n ennill cymhwyster	196	178
Nifer o bobl sy'n cymryd rhan mewn cyrsiau wedi'u hariannu gan y rhaglen Lluosi	1550	1476
Nifer o bobl sy'n derbyn cymorth i gael gwaith	150	150

****Mae nifer o'r prosiectau yn parhau i hawlio allbynnau hyd at ddyddiad gorffen y prosiect. Mae trafodaethau gyda phartneriaid cyflawni'n awgrymu y bydd y rhagolygon yn cael eu cyflawni.***